

честнаго своего господина. И тайно сохрани тело в землю, и поиде вскоре к благоверной княини Еупраксеи. И сказа ей, яко благоверный князь <sup>а</sup> Феодор Юрьевич убиен бысть от безбожнаго царя Батыя.

Благоверная же княиня<sup>20</sup> Еупраксия, стоя в превысоком своем тереме и держа любезное свое чадо князя Иоанна Феодоровича и услыша такая смертоносная глаголы и горести исполнены, что господин ея убиен бысть, и абие ринуть она ис превысокаго своего храма с <sup>б</sup> сыном своим со<sup>21</sup> князем Иоанном на среду земли и заразися до смерти. И принесоша тело благоверных княини Еупраксии и сына ея князя Иоанна Феодоровича, погребоша чесно<sup>22</sup> у великаго чудотворца Николы. И от сея вины назвася великий Николае Зараский, яко благоверная княиня Еупраксея<sup>23</sup> с сыном своим Иоанном сама заразися ис превысоково<sup>24</sup> своего терема, о землю разбися.

И услыша благоверный князь Юрье Ингорович<sup>25</sup> убиение возлюбленнаго своего сына князя Феодора Юрьевича, и иных князей нарочитых, и<sup>26</sup> людей множество побито от безбожнаго царя Батыя, и<sup>27</sup> начаша плакати с великою княинею и з братьями. Плакашеся весь град, и едва умолкоша от великаго плача, и рыдания, и въздыхания. И посла великий князь Юрье Ингорович во град Владимир к великому князю Георгию Всеволодовичу<sup>28</sup> Владимирскому, прося помощи на безбожнаго царя Батыя — или бы сам пришел. И великий князь Георгий Всеволодович сам не пошел, а на помощь не послал, хотя сам о себе братися з Батыем. И князь же Юрье Ингорович<sup>29</sup> Резанский з братьями своими учредиша полки своя по достоянию. Князь же великий Юрье Ингорович, воздев руке на небо, и рече: „Изми нас, боже, от востающих нань<sup>30</sup> и избави нас от творящих<sup>31</sup> беззаконие. Буди путь их тма и ползок и аггел<sup>32</sup> господень погоняй их.<sup>33</sup> Не предаждь, господи, окаянным и неверным владети Рускою землею, да не когда рекут во языцех: где есть бог их“. И рече князь Юрье Ингорович братьям своим и всем князем и боляром, и всему воинству: „Господа моя братия, аще от руки господни прияхом благая, а<sup>34</sup> злых ли не стерпим? Лутчи нам смертью живот купити и главы своя сположити за святых божих церкви и за веру христианскую, нежели нам срамотен живот жити и покоренным быти царю безбожну и лукавейшу. Яко не подобает нам, господа бога и Спаса нашего Иисуса Христа людем, покорным быти царю — твари служителю.<sup>35</sup> Да умрем за свою веру и за отчину отца нашего великаго князя Ингоря<sup>36</sup> Святославича“. И поидоша в соборную церковь и плакашеся пред образом пресвятыя богородицы честнаго и славнаго ея Одегитрия,<sup>37</sup> юже принесе епископ Ефросин из<sup>38</sup> Святыя<sup>в</sup> Горы. И моляся

<sup>а</sup> В рук. слово князь написано сверху.

<sup>б</sup> В рук. нет.

<sup>в</sup> В рук.: и святых.

<sup>20</sup>княиня. <sup>21</sup>нет. <sup>22</sup>честно. <sup>23</sup>Еупраксия. <sup>24</sup>превысокова. <sup>25</sup>Ингоровичь. <sup>26</sup>нет.

<sup>27</sup>нет. <sup>28</sup>Всеволодовичу. <sup>29</sup>Ингоровичь. <sup>30</sup>нет. <sup>31</sup>творящих. <sup>32</sup>ангел. <sup>33</sup>погоняя.

<sup>34</sup>нет. <sup>35</sup>служители. <sup>36</sup>Ингора. <sup>37</sup>Одигитрия. <sup>38</sup>из.